

大清光緒十六年

本館新聞除禮拜外日出一張諸君賜閱本報者無論本埠外埠均可致函本館取閱如外埠閱報加寄費可也除日報常刊送外復不取工本從英國購辦釘書裁紙各機以待與各商刊印書籍單件並有英國各活字及各式花邊等延有西人排印工藝甚精所有中西文字均能刊印並有石版印字大小機器均用精工刊

第二千四百九十九號

申報

(號一十第牌門口虱巴傳在設開館本)

印工總絕倫前延有文士書寫各體文字現由上海購到各種書籍出售其書目另行刊佈所有各面價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸君來札尚祈自諒更須寫實里而後敢登但來稿登與不登均不能將原稿收回也 本館謹白

庚寅二月廿七日

凡刊印告白第一日每一字一仙第二日以下每字半仙 大英一千八百九十三年三月十七日禮拜一 凡刊印告白第一日每一字一仙第二日以下每字半仙

新到各種奇書發售 ○啟者茲本館近由上海姑蘇等處採買各國奇異新書及地輿圖誌等來叻發售其書或銅板木板鉛板石板均無不有且字畫詩書等項尤繁多有功地未嘗經見者其有益於世道人心者實非鮮淺有非徒快耳目者比茲特以廉價出售諒亦 諸君子所欲先睹為快者也所有各書目經已另列單張附呈 鈞覽閱者 幸焉 本館告白

與客論人心風俗

近來地風氣日乖無論奸偽命盜之案層見迭出無有窮期道路為之不寧閭閻因而多變世俗之壞莫斯為甚矣客有過而談及者曰觀地風氣之偷益足見世道人心江河日下然北亦地氣所以使然也愚亟請其說客曰人心風氣實以土地而分南北之不同風氣實不可以概諸一律地居於南境者其風氣大異夫北地之人多抵南人性柔而多奸和多詐今助之土人與夫南洋生長者固然矣此外即從華強來助者亦不過閩粵之人而閩粵兩省亦在中國之南是亦南人之風氣已足無怪其詐偽百出無所不為是亦地土方隅所以限之者歟愚曰否否此非通論也人心風俗雖以土地而分然究於東南西北之方向實無所關今試即其理以言之夫古人所謂西北之風渾其失也悍東南之俗偷其得也故西北以強勝而多失之亂東南以治隆而多失之弱此所謂風俗不同也西北之人直其失也狠東南之人詐其得也故西北之兵便於恃久東南之兵利於速戰此所謂兵革之不同也凡此者皆謂地氣使然然以愚意測之則又有不然者夫天下大勢猶人之一身以中國而論則京師元首也玉門邊陽上谷雲朔肩背也伊洛襄漢江淮之閒腹心也齊魯秦晉左右手也吳蜀腹也閩粵演習足也若如古人地氣之說則應據伊洛腹心為中界其上屬北凡玉門等處皆所謂西北也其下屬南凡吳越諸省皆所謂東南也夫方位雖云有定而風氣實在無常又安知東南諸省之氣有時不轉而之西北氣既善轉則悍亦可變而為和狠亦可變而為易生乎千百年之後以證諸千百年前之人之說不將爽然而失所據哉且古之為是論者固謂中土一隅以言之也自我 朝綏服蒙古開闢新疆拓土數千萬里而其地盡屬之西北今日試立乎蒙古新疆以望遼瀋則古之所謂西北者猶在其東南南若如所言應謂蒙古新疆之人悍且狠而遼瀋之人和且易然乎否乎且今中國東南境土迄乎臺灣瓊州而止若由臺灣以望閩粵則閩粵已在其西北然則將亦曰閩粵之人悍且狠臺瓊之人和且易乎此可知其必不然矣顧或者謂地之相去近則不足以見地氣之異宜更言其遠者不知亦否也今日測地之家分天下為五大洲亞西亞乃五洲之一偏在東隅中國全境皆在其若披地球全圖則歐羅巴已在其西北矣亞美利加更在其西北矣其間相去各遠至數萬里若如所說則歐美兩洲之人不知如何悍狠於亞洲之人矣乃自今觀之其人雖多爭富強尚財力講求兵械戰陣之事而亦儘多彬彬文雅性情和易尤有過於華人者然則此說又何足據耶總之地形如球隨日旋轉本難求東南西北一定之方位方位既無一定而謂地氣乃有一定是有理乎夫亦人各不同所趨因而異耳且鷗鷺之羣鷗鷺出焉草莽之中嘉禾植焉焉居一室向且氣異鷗鷺又安得以西北東南之方而遽定其人之情性耶客聞語點頭而退爰將此語泐筆錄之

英京電報 ○二十四日英京發來電報云兵部侍郎士甸合現在議院內有言本年我英國須調將國內所有精兵概行換用連環快鎗內有數營擬改用無烟火藥云云時院內巴魯爵下汝越威里起而請云現在英京所有義勇需用之軍器等件在國家應為之預備贍其使用而該義勇隊中前者所購之軍火至今尚有欠而未償之欸此項在國家亦宜預備為之代償也嗣諸員均同此意而中請遂已准行矣

鴻慈高厚 ○本坡國家現接英廷寄諭稱一千八百八十九年新嘉坡所立第四條之律着不准施行等語查此律乃前者國家所立以防助嶼甲三府有民變之事其律有言嗣後若遇民變之事而本坡之人所有屋宇財產遭其毀壞或有性命被其傷殘則制府有權可勒令某街為之賠償等情今英廷駁斥此律着不准行是殆體貼民艱之意也由是觀之可見英廷之愛惜黎民時欲善為保護然則居斯地者可不善為自愛以報高厚之恩哉

擬請假旋 ○本坡議政局于廿三日開門聚議之時施制府曾于局中語諸議員謂本部堂前命治民南北馳驅已逾六年未經請假今本部堂將照例請假得以稍為習靜藉養天機其言如此至于何時請假以及請假若干時日則未言明然以意測之諒于西本年四月間即請假至年底止而所遺之篆應由輔政司列君為之護理也


泉案四紀 ○廿四日乃泉堂決獄第四日之期是日亦正副兩堂同時開訊計正泉堂早堂所訊則為潮人許財順殺劉寶榮一案是案乃另請額外一等陪審人員到堂觀審而該犯到案之際泉堂問其知罪否犯稱有罪但此事乃為人所使并非出自自己意也憲復諭謂汝既知罪然則知所定何罪否犯則稱供不知憲因傳命將此案詳加審訊而此案以律政司為國家主控而被告則經國家代延谷狀師之伴西中與之代訴是日西狀師利案乃盡其所長將一切情形訴於陪審人員之前曰君須知被告乃一介書夫身無知識其言乃為義福公所之人士使而諸君亦須知義福為本坡第一強橫之會夫華人會中規矩如其頭人有命使其黨徒殺人如有違者即性命不保今限彼告之貌庸有何知在彼之心則惟知有會不復知有其他以其會長之命即與王法無殊然則殺人之處其情尚有可原諸君斯時聽審而後斷其曲直勿使別浮於罪方見公平也西狀師所言如此據其所說殊為有理亦可見西君代訴此案之盡心所奈本案以罪証顯然之故實不能曲為見原故陪審人員仍定該犯為有罪時為廉訪乃諭該犯云汝所犯者乃為至重之罪雖稱為主使然亦難於準信即使有主使之入亦不宜聽從以犯此殺人重罪似此該犯何可為憐今本司惟有盡法示懲以為將來垂戒俾知國法殺人者抵應可便後來者知所畏而不為今當擇日刑期以覆首之刑須至死而後已但此非本司之刑乃奉皇天之法判罪乃將其書判之筆當堂擲折而棄之此以示收去不祥之意也該犯聽畢因請於泉堂乞憐欲有所求請不知能究推恩否憲因問有何言犯供向有老母一人遠居華海今欲以一兩寄遠不知能准所求否泉堂俯如所請而犯並請泉堂優給糧食憲亦准之犯再請求在獄內吸食洋烟泉堂慮之因問經歷司叻地有否此規與否經歷司覆稱並無此規矩矩矩因諭謂然則須遵依獄內定章不得逾分干求命押該犯下堂時犯乃自言謂該犯殺人豈有畏死之理然則該犯之囑強有可知矣更查泉堂決獄之例若定極刑則泉堂照例須換戴烏帽始定受審惟定此命案之時為廉訪並未戴有烏冠冠未悉此中究有何深意也而是日下午所訊則為鍾亞波行兇斃命一案訊畢陪審諸員均稱有罪憲乃諭該犯云所奉陪審諸員定汝以第二等罪案若其定以一等之條則恐汝性命有難保全之處夫友人口角何必遽致行兇今陪審諸員雖謂汝為有罪然罪不致死實為不幸中之大幸也因判監禁七年并充苦工示儆云云至於是日副堂元廉訪所訊之案其一則為粵人盧亞成盜竊傷人案訊畢陪審人員定為有罪憲乃諭云細查該犯前所犯之案於一千八百八十二年至今積案甚多常在獄中可見其平日行之乖故定以監禁五年期滿出獄之時再由巡理查看若三年當判定時憲乃問該犯有詞新說否而犯乃於身中取出假髮一縷呈於憲座云向因髮短故用以此為藉髮乃當日為原告執而毆打故扯出並非為藉所執自割髮變而逃也泉憲聞說即傳巡捕官緝君及解送泉署之原差到案訊云該犯於被執以及押送開所之時當經搜檢其身若有物件即例為存貯以俟出獄之際而後結還然則此髮實何自而來着即查明原委嗣經緝君細查該犯乃自認此髮係在囑所時為他犯所遺者然亦可見該犯之狡矣 其二為閩人王亞來在吉寧街搶銀一案訊定之後知縣有罪因判監禁二年 其三乃海南人王亞二因盜其主人銀物一案是日提訊之際據該犯供稱當被執之際其主人曾命人執而毆之及至暗押差之時亦遭痛毆然實不知此物為誰所竊也而據暗押總差則云當執獲該犯至差館之時該犯曾供此匪已交其友人黃亞日之手并言黃乃居住武吉巴後地方追引該犯至黃之家則黃已先事而逃等語時元廉訪乃語陪審諸員云以童稚之年為人恐嚇以致致無所主失於語言是亦常有之端今據原告供証之詞但有暗押總差所言之語然并未有他人同曉則其情實有可疑諸君高明以為當否陪審諸員均稱無罪憲乃判將被告開釋

白蠟賦稅情形 ○聞白蠟賦稅章程稱西去歲該埠所收賦稅共銀二百七十七萬六千五百八十三元較於一千八百八十八年增有七十五萬元之多而此項所以驟增者因餉碼款項加增之故計其去歲餉碼所收之款共增有六十三萬五千八百五十元然此中則以鴉片烟碼為多而錫餉一項亦增有八萬五千元之譜至是歲所有支銷之款則共有一百零九萬九千元然則以進較支及前者所存之資則是年白蠟庫中所積共有一百四十六萬八千零七十八元之多而在白蠟國家之意則以為其餉碼之項所以日增者實緣其地日益繁興之故然實未計及去歲市面大衰各行紛紛倒閉而該處烟公司因此已受累無窮也夫市面既衰餉碼之項亦已大不如前乃賦稅則仍日有所增則此中可慮之處不待智者而後知而在上者宜有以計及於斯勿以目前入項之豐而遂漫不防以致後日有無窮之患也


法部譯登 ○聞法字報云法國派駐南蒙自縣領事官現已請於中國駐處之地方官謂自後所有貢賦朝廷之物請由東京一帶由輪船運往津門庶免陸路轉折之艱以資利便而沿途所經法國之地而法地方官自必力為保護至於所有稅釐等項概不敢收取以重正供等詞是亦法國之美意也但不知華官能允其所請否耳

工役猝斃 ○廿二日本坡某娘船澳有工役多人正在運煤之際忽有一人名吳清者猝然倒於地中昏不知人口鼻之口血如泉湧雖經諸伴為之集救然已無可及未幾即赴泉臺即經巡差將屍身送醫院中報聞云

蜜酒出賣



啟者茲本行由歐洲辦到上等密酒
來叻發售其酒甚佳茲將標頭印出
諸君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶瓏 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
八號 天 明嗎也洋行謹啟



三寶酒品



啟者本行督辦歐洲馳名三品洋酒來叻發售其酒係白頭款式發售有年沽飲
美奈近有無恥之徒假冒本庄三品酒款式以圖魚目混珠情殊可恨嗣後
品酒者請細認本號招牌之內有小紙包頭註華字新嘉坡明嗎也公司者始無誤若此字樣即屬
偽冒請為細認特此佈聞 大英一千八百八十五年十二月十九號 明嗎也公司謹啟 天

烏密酒發售



啟者本行向由英國督辦各
種美酒來叻發售久已遐邇
馳名茲復由英新辦到爾
士斗雲字號之狗頭標烏密
酒到叻應沽此酒香美異常
不惟飲之可口且能保養精
神調和血氣常飲令人不生
疾病誠酒國中上品也 諸
君光顧應細看以上所列之
狗頭標庶不致誤且價甚相
宜倘 諸君有欲飲者請
至本行取用可也此佈
大英一千八百八十八年八
月十五號 明嗎也洋行啟

法國頂上蜂窠標萬蘭池酒出售



敬啟者茲本公司親由法國督辦頂上
好萬蘭池酒來叻發售其酒清香濃郁
醇厚異常飲之誠可令人長血氣壯筋
骨悅顏色妙美無窮今市上所有萬蘭
池酒無有能出其右者誠佐饌中妙品
也至此酒惟本公司一家沽出餘無別
家出售 諸君光顧請細認蜂窠標頭
為記並細辨香味方不致誤價甚相宜
倘有劉伶之癖者祈早至 惠臨沽買
是荷
大英一千八百八十八年六月二十號
大清光緒十四年五月十一日
明嗎也公司謹啟

名鐵櫥出售



啟者本行所賣之鐵櫥久已馳名於東方一帶而於叻坡則聲名尤著至本
行沽賣此等鐵櫥已有三十年之久其製甚為堅固保能避火且其匙鑰甚妙斷非盜賊
等所能開其全身均用鐵製成並無雜以木料且諸櫥自前至今均為一式堅固並
無有優劣之分至於名櫥大小不一而價值則約一百元至四百元凡用之者可保其不
礙焚燒即遇火災亦無所損本行之鐵櫥實為叻坡諸華商所喜購而本行每年所沽亦
殊不鮮茲特為之錄佈倘 諸君有惠顧者祈即玉臨選購為盼 大英一千八百八十九年十一月廿八號 天




明嗎也洋行啟

火 船 公 司 告 白


啟者本公司所製之冠仔標萬蘭池酒馳名已久乃在歐洲名家所製自一千八百一十九年相傳至今已閱七十年之久而其酒收存有數十年方肯出而沽賣故其熱氣概已全消所以



鐵 櫥 出 售



不殺呼魯公司即前
加珍目不殺公司謹啟



不殺呼督卽前加珍麥洋行謹啟

如以上所列各標頭
誤買本行有厚望焉

大英一千八百八十九年十二月三號

不殺時蜜即前加珍步洋行更取

一具盤中置有椿岸香燭等物至新巴風河傍之店門乞食無謂尋寡寡之即行一時聚觀者甚繁然觀婦之狀非獨家貧而何至於行乞大抵此中亦為神許願所以知斯是以各店之人見婦到時即敬避青錢與之而去無留滯之處云

以人虎虎 ○虎為百獸之王所以食人者也然則以人殺虎惟精於游獵之壯士始可為之曾未見有為虎所銜性命幾遭虎口乃竟能斃虎以脫其災者是則洵稱罕聞之事矣有潮人石亞順者向在柔佛金令港內以刈草營生前數日與其友一人同在該處山刈草未幾即覺腥風撲鼻有巨虎咆風而至其友眼窺足見虎猝至乃急登樹以避之惟石以走避不遑遂為虎所搏所異者虎不當傷噬之殺死且并不銜之以去惟曲其前足拖石而行石已墮落心寒自分夷於虎口矣乃虎拖石在其友匿避之樹前而過友見此情形乃大呼石曰汝性命在於須臾何惜惜然若此汝手尚持鐵刀何不以此刺虎也蓋時石刈草之刀尚在手中因驚駭過甚不知所指忽聞友言始為猛虎因即將刀向虎腹中力刺虎猝被刺痛極乃捨石咆哮而去友乃下樹扶石而歸即與所識言之遂糾率多人持械往為看視則見距樹不數武之地死虎在焉蓋虎為石所刺傷因而斃命也至石則雖有微傷然亦非無大礙然而死中得活已不啻重生矣

驗屍兩則 ○廿六日坡驗屍官曾驗屍身二起其一為潮人王林州年方廿七歲前以命案被獲訊定後判監禁二十三年於一千八百七十九年正月十六號發在獄中時王則方十六齡以迄於今已閱十二年之久矣廿五日因病而斃於獄內醫院之中故照例為之請驗也其二則為潮人鄭亞德向在柔佛泰盛港某甘密園中僱工為業近來因患脚氣之症調醫罔效於廿五早欲附搭德國郵船旋里道下船之際經西醫驗得其症過重已將死於旦夕故不准其登船轉回坡遂於中途斃命故經官將屍身交於醫院中請驗云

風流孽債

○聞之惡惡以淫為首可知萬惡之魁以淫為最秉蘭相讓方期漆漆多情椿英未幾畢露中其醜態以故東風陌上吹入羅幃夜月雨前動疑花影方謂誓山誓海共期恩愛長情詎知行雨行雲終歸風流孽債則固有貪一刻之歡樂貽畢生之怨恨追思到頭果落禍羅獵豔而來即知積慮絲毫竟自悔淫而致悔心自問則亦殊形不值矣潮屬惠來縣南關外有謝蘭池者美丰姿好修飾素具六郎之面常空季子之金故年華而立中饋向虛癖賦性頗能文第以命運橫人青衿未博遂致飄零書劍改業棄儒乃充該縣衙房以作書記理頭筆墨終日營營惟久繫繯終形寂寞壯壯應有室家雲空何秋月春花傷懷觸景不勝引為憾事者久矣時有張武弁者偕其妻若安比鄰而居張豐於財而年逾知命其妻向屬年少頗有色而性奸淫亦動人尤物張溺愛之遂擅專房之寵以故陽檢踰閑張不忍過為苛責自是出牆紅杏招惹遊蜂每張有車外出即駐轎凝抹或在門前賣俏或向牆頭戲謔風晨月夕無遐遐思一夕該妻引梯於牆忽見謝在胥房邊逾墻下悅其潘貌以菓擲之謝乃趨首而謝竟以月殿嫦娥從天下降眉目語互相傳情贈芳秉蘭猶其餘事相見恨晚招入由房自是張每外出常引野鴛為家鷄色胆猖狂一至於於是然而積穢之事無不彰明觸目語互相傳情贈芳秉蘭猶其餘事相見恨晚招入由房自是張以何之迨至端月元夜張託以事他去以伺其隙而掩捕之詎妾以張不在家備酒而招謝飲以續前歡謝果至兩美無猜情酒醺不覺互相酩酊玉山偕頹復枕畔之盟甘帳中之夢迨至張驚懷利器而敲於門一對野鴛鴦為從好夢驚醒宿覺徬徨謝則引梯於牆踰垣而去惟張以其久不關戶知其有異乃破門而入時則月明星明猶見其影高立於牆轉瞬而遁但不能細辨麗兒知屬何誰耳張至是知妾之宜彼淫行穢跡顯然不覺忿火中焚嚴為責問向味休不已張則大振雄風出刀砍之遂傷妾項而滴落於地仆於地未幾氣絕察視竟已玉碎香銷早隸夜臺之籍翌日張遂備棺殮焉

死而為靈 ○同安縣上甘嶺社有邵文舉者年將古稀其婦遷居廈門業生三子皆已長成長次二子咸外出南洋為活計惟其素善居奇利市三倍餘勤累積家計裕如邵以杖履優悠終日嬉游其婦居廈門業生三子皆已長成長次二子咸外出南洋為活計惟其向以屠牛作活今雖產業豐隆亦莫不以屠宰為基之始以故外間向論紛紜皮裏春秋多有謂其以屠政富久享難無或多鄙之不知邵之為人制行宅心向以樸誠為的欺心之與生平不敢偶為屋漏神明常深懷惕即或橫逆之來亦為順受大有犯而不校之風故執業於屠輒謂緣貧所致苟可能為自存會當改圖牛計謂邵稍有積蓄遂棄於屠則邵之生平不憚可知矣不料於去歲桂月間邵乃焚香靜坐以適閒情未幾忽而煥發精神因環顧家人以謂之曰頃聞適有皂者持刺踵門據謂須促我赴於漳州新橋頭以膺土地之任業定於是月二十二日午時會須束裝就道矣時其家人等咸以邵老去龍鍾未免精神恍惚心猿意馬致有糊言均不信之惟有付諸一笑而已詎至是日邵之精神依然矍鑠無何忽自沐浴更衣乃招家人環集囑以身後事言之期期諄諄及至是時邵乃自束衣冠倒臥於床謂家人曰僕從廈門我將去矣言畢瞑目而逝容貌如生家人異之遂即舉哀成禮備棺厚殮迨至本年端月間有邵文甲者即邵之堂弟也緣事赴漳因憶邵之所言遂備香燭至新橋頭土地祠而祝之乃謂兄已為神足證生平懿行兄其有知向希來享以庇後昆祭畢而去時文甲寄寓于友人某店於是夜甲果夢知邵言之不謬也然則如邵者殆所謂生而為英其即死而為靈者歟

京報選錄 ○大學士直隸總督一等威毅伯臣李鴻章跪 奏為賤役撥捐官費其子官考中式查明據實奏革恭摺仰祈 聖鑒事

竊臣承准軍機大臣字寄光緒十五年十一月十七日奉 上諭御史崇齡奏直隸天津縣舉人劉青身家不清官考中式其父劉惟伯曾充門丁該舉人目不識丁難保無情弊請旨查辦等語李鴻章確切查明據實具奏原摺着抄給閱看等因欽此臣查天津縣舉人劉青自上年已丑科中式後人言藉藉以為身家不清前經其父劉惟伯實係曾充門丁業經被人告發當飭天津縣傳訊據該縣知縣孫錫康詳稱本年九月間據縣生孟繼增等聯名呈控本科中舉人劉青其父劉惟伯曾充賤役身家不清且先賤捐官職等情當經飭差查傳孫錫康將劉惟伯傳案訊究據劉惟伯即劉裕鈞供認咸豐十年曾在該縣縣署充當差役內充當家丁旋經辭退捐捐三品銜銜前為伊子劉青捐納監生加捐同知上年已丑 恩科伊子應順天鄉試中式舉人劉青實之劉青供亦無異應請斥革等情 詳前來正在核辦間欽奉前因復飭傳案研究據稱向無情弊臣查劉惟伯即劉裕鈞曾充丁役身家不清原報賤捐職銜前為子劉青捐納監生同知等語查劉青中式雖係捐納事關屬均干例禁應請 旨將劉惟伯即劉裕鈞三品職銜並劉青舉人暨原捐監生同知一併斥革以清流品而重名器除飭取捐摺分咨部監外理合恭摺奏伏乞 皇上聖鑒訓示謹 奏奉 硃批另有旨欽此 ○李鴻章片 再永定河營都司鄭龍彪升補大名鎮中營遊擊所遺員缺奏明請以儘先補用都司王益山補授旋准部覆應俟鄭龍彪赴部引 見開缺而王益山於上年十月二十五日病故該河隄段綿長沙縣人由武童轉戰立功歷保今職同治十一年奏准留直儘先酌補該員歷經帶隊隨辦永定河工於該處情形最稱熟悉操防工作勤奮耐勞擬補永定河營都司以勝任亦與例章相符應請准其補授以昭河防除飭取履歷送部外理合附片具陳伏乞 聖鑒勅部核覆謹 奏奉 硃批兵部議奏欽此 ○李鴻章片 再據蘇州府知府王益山通永鎮總兵吳育仁四川涪州人統勇楚軍提督銜記名總兵徐邦道皆於上年遵故父母遺命各捐浣銀一千兩又廣東海陽縣人戶部候補主事沈紹遠遵故祖父遺命捐助直銀銀衣一千二百件已由局分別賑發災區散放海關克已救災善承先志查所捐棉衣照章合銀一千二百兩及所捐銀數均與建坊定例相符具詳請奏前來應請 旨俯准吳育仁為其故父一品封職吳有良故母一品命婦吳朱氏徐邦道為其故父一品封職徐增玉故母一品命婦徐吳氏沈紹遠為其故祖父二品封職沈學金故祖母二品命婦沈莊氏各在原籍地方自行建坊給予善好施字樣以昭旌獎理合附片具陳伏乞 聖鑒訓示謹 奏奉 硃批著照所請禮部知道欽此 ○李鴻章片 再道府州縣無論候補試用人員應以到省之日起予限一年詳加察看出具切實考語奏明補用茲查有候補直隸州知州李禹言候補班儘先補用知縣王道範均到省一年期滿例應甄別據藩臬兩司詳請核辦前來臣查李禹言才具精明王道範辦事機實均堪留省補用俟有應補缺出照例奏補除履歷册咨部外理合附片具陳伏乞 聖鑒訓示謹 奏奉 硃批吏部知道欽此

頂受華英藥房告白

○啟者茲余已於西本月十二號即華本月廿二日已在牛車水一百三十號門牌華英藥房向陳君德裕承頂該號全盤生理自後該藥房即改換字號為禮浮藥房所願前者 光顧諸君仍舊源源而來惠然 賜顧而本藥房則定於每日上午七點鐘開門至下午七點鐘止以便 諸君到為購藥如夜間有急迫之事故為延請者而本藥房之門外設有電氣鐘以便 諸君傳警至本藥房之西醫則每日上午由七點鐘起至十一點鐘止下午則由三點鐘起至五點鐘止在本藥房內候診凡諸証治無論內外奇頑等症一經藥手無不立應回春尚望諸君 惠然肯來不勝切盼之至特此佈 聞

大英一千八百九十年三月十七號 光緒十六年二月二十七日 禮浮藥房加力謹啟

賽花預告

○啟者茲定於西本月廿五號禮拜二及廿六號禮拜三即華閏二月初五初六日舉行賽花之會倘諸君等有奇花異卉佳菓名蔬欲為相賽者祈至公家花園本董事處報明得以預備一切俾得屆期相賽特此預聞

大英一千八百九十年三月十四號 大清光緒十六年二月二十四日 賽花會董事列里謹啟

開設火確

○啟者本號新開苑生米確在芳華巴風又開苑生火確在大公司酒廊邊倘 諸寶號欲僱春各米者請至米確或火確面商可也如米確有糧 諸寶號未必須本號在單內蓋印為憑其吊橋頭苑春米郊生理本號無份合應聲明此佈

大清光緒十六年二月廿二日 苑生公司謹啟

賽花會啟

○啟者本坡賽花之會現已定於西本月二十五二十六號即華閏二月初五初六日在公家大花園內舉行所有花木菜蔬果品等均能報賽而叻嶼甲地所有盆景花木蔬果之佳者亦可到為相賽得以判定低昂至於所有報賽之花則務於西本月廿四號即華閏二月初四日上午送交本會自能妥為照料不致有離散失謝之患此緣英國皇子將遊叻地屆指預計該於是日可以行抵叻中官中駕以為遊觀想萬紫千紅得承皇子垂青自必頓增聲價而本坡諸君子有轉花之癖者想亦樂意往觀為以及時出而賞之也特此佈聞

大清光緒十六年二月二十二日

苑生公司章芳琳謹白

鷺江格社勸捐小序 ○蓋聞道宜從一機易定立節之經偶不成雙麟史重持符之守所以栢舟矢志之死靡他於操盤心修良不改婦人守節貞難我輩尤宜加敬矧茲島風號名區海晏安瀾商欣鳩集地稱沃壤民豐饒居或連恤孤之堂或立育嬰之局或築掩骸之塚或結惜字之緣眾善各有章程苦節未聞矜恤夫丁年寡偶誰不含悲乎舍之人更堪抱痛而况家徒壁立立嚙能無米之炊屋已瓦傾權藉編茅之結凄涼五夜哀鴻悲歌怨恨一生哀鴻待哺目之所擊情何以堪設集同人同襄義舉敢云濟眾發慈悲心勉為措資全節孝志綰繫者莫分鵠俸之餘稻紳耆台給鼠輒之費推之行商半賈貿易莫吝傾囊及乎鰥鰥魚腹往來亦須題筆多者寡者寡集腋可以成裘友其友親其親親何妨解囊 諸君垂鴻慈之念莫大陰功而孤獨得歸泗之蘇益堅貞節行茲善舉戴德遍及於九原定以良規立法期傳於百世而願也竊有請焉再本社兼辦惜字務祈 諸君一并捐題共完義舉是為序
大清光緒十六年二月二十二日 鷺江格社董事 章桂苑 虞鳳鳴 梁慶璋 林維新 鄧書鵬 洪鑑鑑 王 煦 公啟

美國紐約最上等雪文發售 ○啟者茲本行有新到美國紐約地方所出之雪文一種堅實異常用以洗濯漆器等物甚為潔淨計所有漆器漆布樓枋桌椅等若經此雪文洗濯儼與新者無殊至於鐵櫃鼎鑊等物若有油污洗之立淨他如白鐵器物洗之亦無異於新者所有面盆浴桶及電頭一切油膩所汚之物一經洗濯無不鮮明異常但口說無憑用過方知其妙也 諸君賜顧宜細為辨認勿致有魚珠之混至於本店所沽者乃美國紐約意奴模頭公司所製較於別家尤勝故能馳名遠近也 諸君惠顧祈早 玉臨不勝厚幸
大英一千八百九十年二月十號 大清光緒十六年正月二十一日 不殺呼容洋行謹啟

白 密 酒 出 售



啟者本行親在歐洲督辦龜麥之白蜜酒及卑施拿之白蜜酒來叻發售其龜麥之酒係作飛燕標 卑施拿之酒係作龍標其酒香美異常可以止渴潤腸且縱多飲亦不至有醉人之患在叻嶼甲各地以及蘇門答臘嘉娘暹羅安南等處 諸君均喜飲之而叻地各酒店更多購用本行之酒可見酒質之美故能廣銷暢場



而本行并有希打馬號之威實枝酒及蘇禮勿蘭號之狗標加壓力酒均係西方佳釀且價廉味高與市醴大相逕庭而本行復製有紙烟及歐洲各式烟發售更有鐵廚製造其精並無雜以木料而其鎖鑰非盜賊所能開本行之沽賣此廚已有五十年之久素蒙諸君樂為購用并有製造水塊之小機器出售四點鐘內可製頂上水塊七磅精美異常 諸君有欲賜顧者請移玉惠臨選閱為盼特此佈聞
大英一千八百八十九年十二月二號 葛士兄弟洋行告白


新到頂上呂宋烟及各式烟等發售 ○啟者茲本號常有新到頂上呂宋烟發售其烟乃本號親在小呂宋採辦上料精工監製載至本坡發售其烟之名號如 刺因修刺 刺千士丹西亞 刺巴刺 下路高美打民路馬里因知等名烟無不俱備又荷蘭及專刺馬即仰光等烟亦常有便沽其荷蘭烟乃向荷京之蘭亞卓卓家購至而專刺馬即仰光之烟則向仰光晏多尼等諸名家購辦載來而本號并售紙捲之烟乃將西國之頂上名煙捲就如威馬愧刺勞士 刺因修刺 卷兒那勿刺乙 瑞乙加波路等 各名煙均無不有此乃向美國卷兒那地方亞蘭仁打號所選購其香清越其味醇厚令人吸之心曠神怡迥非他家所及其士耳其之細烟乃向土京毛刺池公司採辦而本號并有督辦頂上之棉不勞參及馳名之直里加士打即三金塔之美國烟絲發售以備 諸翁自行捲用並常有呂宋烟袋及各烟盒呂宋烟嘴等發售而烟嘴之款式甚多可備 諸客選擇並自辦各式烟紙如 威岩 高士模寶來乙 然 馬路居士 埃奧美等款式甚多不能盡錄 諸尊惠顧無不格外從廉以冀廣為銷流倘 諸紳商有欲賜顧者請至土庫廿八園邊第八號門牌吉崇拍賣館之隣細認門前大玻璃窗上書金色西字招牌庶不至誤特此佈聞
大英一千八百八十九年十一月廿六號 打峇基里亞幼尼巴西烟店謹白

再為佈告 ○啟者本號以上所出之告白有烟名曰刺因脩刺者烟此乃天下馳名久為眾士商所共悉其夏灣拿裝者乃特聘鑪鑪之最上名工所製其卑立巴因裝者乃為前者小呂宋國家督造呂宋烟之工頭督製其烟葉乃精選本號自種之刺伊沙未刺里加牙兒安及巫越打亞翠榮園中所產之頂上烟葉所製此烟於前者歐洲開設賽烟會之際曾輕往賽已得有金寶星二顆因當時會中天下各國所製之烟無有能出其右者於此可見本號之呂宋烟久已馳名於天下為下而 諸士商所樂為之購買者也是以本號另行分枝一間在新嘉坡土庫花園邊第八號門牌吉崇拍賣館之隣以便諸紳商人等時加惠顧以應所需倘蒙 諸翁賜顧向經移 玉前來以憑揀揀本號就於西國各烟無不備有且其價格外從廉向懇惠臨不勝厚幸特此再啟
英一千八百八十九年十一月廿六號 打峇基里亞幼尼巴西烟店謹白

女醫問世 ○啟者氏向在美習醫有年前到叻中欲行於世現定以每日十一點鐘起至十二點鐘止在中華藥房內以應 諸君之聘倘有賜教者祈如期 惠臨為盼
大英一千八百九十年正月十一號 西國女醫威勞付謹啟

頂上象頭標密酒出售

勞玉趾爲荷



猶尼峇西洋面保險有限公司告白
 啟者茲本行承辦猶尼峇西洋面保險有限公司總理人之命為駐叻之代理人代受洋面保險
 一切事宜至於所保之船均與他家相同斷不多為添索倘 諸君有船貨等項欲於洋面保險者請移玉惠臨相商為盼此佈 聞
 大英一千八百八十九年十二月十號 大清光緒十五年十一月廿二日
 轉珍目兄弟洋行謹啟

白 告
出牌份月西中

吉屋出賃○啟者茲有便厝一間在老窰
宮前門牌一十五號即協恒隆現住之厝
諸君欲稅請至本號面議是荷此佈
大清光緒十五年十二月初二日

時款鐘表出售 ○啟者本店開設在國
家信局對門即來安公司之隣專在歐洲購
督辦各式時款鐘表來叻發售計有銀表
一種最著名貴每枚價銀二十五元并有
大小各式金表甚多凡屬當行出色者則
有無須表匙自能上鍊之銀表每枚價銀
五元其表甚為堅固至於時鐘則名體俱
備無論掛鐘座鐘以及不質之鐘皆備其
鐘皆異常美觀以備諸君選擇他如金表
金匙相盒金表練金戒指等各物甚多不
能備錄而本店并能代 諸君修理鐘表
以及風雨針等件甚為精細自能磨度如
訛 諸君惠顧請即移玉 光臨為盼
大英一千八百八十五年四月十七號